

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
GRAD SARAJEVO
OPĆINA NOVI GRAD SARAJEVO
OPĆINSKI NAČELNIK

Broj: 02/12-23-24763/18
Sarajevo, 22.01.2019.godine

Na temelju člana 24. stav (1) tačka a) i 70. Zakona o javnim nabavkama ("Službeni glasnik BiH", broj 39/14) i člana 14. Pravilnika o nabavci roba, vršenju usluga i ustupanju radova broj 09-05-26263/15 od 27.11.2015.godine i Pravilnika o izmjenama i dopunama Pravilnika o nabavci roba, vršenju usluga i ustupanju radova broj 02/125-05-10708/18 od 16.05.2018.godine, a na preporuku Komisije za javnu nabavku radova, Općinski načelnik d o n o s i:

ODLUKU

o dodjeli ugovora i odabiru najpovoljnijeg ponuđača

I Prihvata se preporuka Komisije i ugovor u predmetu „Izvođenje dodatnih – nepredviđenih radova pri izvođenju radova na rekonstrukciji vodovodne mreže u ul. Numan Paše Čuprilića od spoja sa ulicom Briješko brdo – potez dionica 3 po ugovoru br. 02/12-23-12834/18“, dodjeljuje se ponuđaču Konzorcij: „Manjo doo Sarajevo i Bosman doo Sarajevo“ sa iznosom konačne ponude 20.392,47 KM sa uračunatim PDV-om.

II Otvaranje i analizu ponuda provela je Komisija za javnu nabavku radova (u daljem tekstu: Komisija), u skladu sa odredbama Zakona o javnim nabavkama. Zapisnik sa otvaranja ponuda, zapisnik o pregovaranju i Zapisnik o radu Komisije sa preporukom za dodjelu ugovora u spisu.

III Zadužuje se Služba za zajedničke poslove, da obavijesti učesnika pregovaračkog postupka o prihvatanju ponude, a u skladu sa datim Zapisnikom o radu Komisije i preporukom za dodjelu ugovora, te nakon isteka žalbenog roka pripremi prijedlog ugovora i u predviđenom zakonskom roku dostavi odabranom ponuđaču na potpis.

IV Obavezuje se ponuđač iz stava I ove Odluke da u roku od 5 dana od prijema obavijesti o rezultatima postupka, dostavi dokumente navedene u članu 45. stav 2. tačka od a) do d), ne starije od tri mjeseca računajući od momenta dostavljanja ponude.

Obrazloženje

Uvidom u dostavljeni izvještaj o radu Komisije i preporuku za dodjelu ugovora konstatovano je sledeće: Tokom realizacije Ugovora broj 02/12-23-12834/18 od 28.08.2018.godine o izvođenju radova na rekonstrukciji vodovodne mreže u ul. Numan Paše Čuprilića od spoja sa ulicom Briješko brdo – potez dionica 3, ukazala se potreba za izvođenjem dodatnih radova.

Opravanost provođenja pregovaračkog postupka utvrđena je na osnovu Informacije broj 3610/18 od 31.08.2018.godine, Izvještaja stručno-tehničkog nadzora od 03.10.2018.godine i dostavljenog Obrazloženja Službe za investicije i komunalne poslove od 23.11.2018.godine. Navedenim aktima potvrđena je opravdanost izvođenja dodatnih radova, koji su tehnički opravdani, kao i uslov za okončanje projekta iz Osnovnog ugovora.

U vezi sa tim, Služba za investicije i komunalne poslove obratila se sa Zahtjevom za odobravanje nabavke, nakon čega Služba za zajedničke poslove upućuje Zahtjev za pokretanje postupka javne nabavke broj 02/12-sl od 30.11.2018.godine Općinskom načelniku.

Postupajući po gore navedenim zahtjevima, a u skladu sa članom 18. stav 1) Zakona o javnim nabavkama („Službeni glasnik BiH broj 39/14“) Općinski načelnik donio je Odluku o pokretanju postupka javne nabavke za „Izvođenje dodatnih – nepredviđenih radova pri izvođenju radova na rekonstrukciji vodovodne mreže u ul. Numan Paše Čuprilića od spoja sa ulicom Briješko brdo – potez dionica 3 po ugovoru br. 02/12-23-12834/18“, putem pregovaračkog postupka bez objavljivanja obavještenja o javnoj nabavci. Poziv za učešće u pregovaračkom postupku broj 02/12-23-24763/18 od 10.12.2018.godine upućen je izvođaču radova Konzorcij: „Manjo doo Sarajevo i Bosman doo Sarajevo“, za dostavu ponude za izvođenje dodatnih-nepredviđenih radova u predmetnoj nabavci.

Dana 19.12.2018.godine Komisija je otvorila dostavljenu inicijalnu ponudu koja predstavlja osnov za pregovaranje. Komisija konstatuje da ponuđena cijena za ugovor u inicijalnoj ponudi iznosi 17.429,46 KM bez PDV-a, odnosno 20.392,47 KM sa uračunatim PDV-om, dok su ostali elementi ponude - rok izvođenja radova 25 radnih dana računajući od dana uvođenja u posao, garantni rok za izvedene radove 2 godine računajući od dana primopredaje radova i način plaćanja bez avansa, nakon primopredaje radova u zakonskom roku. Zapisnik o otvaranju dostavljen ponuđaču na fax.

U toku pregovora Komisija je razmatrala mogućnost smanjenja cijene u inicijalnoj ponudi, te pregovarala sa ponuđačem o istom. U toku pregovaranja, ponuđač je izjavio na zapisnik da „ostaje pri ponuđenoj cijeni za predmetni postupak, te da je njegova inicijalna ponuda ujedno i konačna“.

Komisija je zatražila da se ponuđač posebno izjasni o konačnosti ponude, te je na osnovu toga ponuđač dostavio Izjašnjenje br. 012-19 od 17.01.2019.godine, kojim potvrđuje da je njegova inicijalna ponuda, ujedno i konačna.

Komisija je izvršila analizu konačne ponude i utvrdila da ista u cijelosti ispunjava sve uslove tražene tenderskom dokumentacijom. Zapisnik o pregovaranju dostavljen ponuđaču na fax.

Komisija je izvršila i računsku kontrolu dostavljene ponude, te je konstatovano je da je ista i računski ispravna.

Nakon svih provedenih aktivnosti, Komisija je konačnu ponudu putem Službe za investicije i komunalne poslove, dostavila Nadzornom organu na uvid. Nadzor je izvršio uvid u konačnu ponudu ponuđača i svojim aktom br. D-01-002/19 od 08.01.2019. godine utvrdio da je ista „usaglašena sa aktuelnim tržišnim cijenama i da je opravdana, te preporučio Investitoru da prihvati navedenu ponudu“. Obzirom na navedeno dostavljena ponuda je prihvatljiva.

U toku pregovaračkog postupka postignut je dogovor oko svih uslova ugovora. Iz navedenih razloga, a primjenom člana 64. stava 1) tačka b) Zakona o javnim nabavkama, odlučeno je kao u dispozitivu Odluke.

Pouka o pravnom lijeku

Ponuđač koji je sudjelovao u postupku nadmetanja može radi zaštite svojih prava i pravnih interesa, izjaviti žalbu Uredu za razmatranje žalbi putem ugovornog organa u roku od 10 dana od prijema pismene obavijesti (Odluke) o izboru najpovoljnijeg ponuđača. Žalba se podnosi u pisanoj formi u dovoljnom broju primjeraka u skladu sa članom 99. i 101. Zakona o javnim nabavkama.

Obradila
Enisa Babić, dipl. pravnik

- Dostaviti:
1. Ponuđaču
 2. Služba za zajedničke poslove
 3. A r h i v i / u spis

